


DISCOURS
DE LA COMETE

COMMENCEE A APPA-
roir sur Paris le xi. iour de
Nouembre 1577.
à six heures
du soir.

avec la declaration de ses presages & effets.

Par excellent Astrologue M. François
Liberati de Rome.



A LYON,
PAR BENOIST RIGAUD.

1578.

AVEC PERMISSION.



A Monsieur d'Habin, Che-

ualier de l'ordre du Roy, et

Ambassadeur pour sa

Maiesté à Rome.

* * *



L me semble (Monsieur) qu'il n'y a chose plus plaisante & delectable à l'homme, que d'entendre & scauoir les occults secrets de la Nature, nostre mere, & que rien ne peut estre estimé plus excellent & magnifique que d'auoir la cognoissance des œuures du grand Dieu, & icelles contempler avec toute diligence: ce qui se fait aisémēt par le moyen de l'Astrologie. Et non sans cause ceste discipline fut estimee sur toutes autres par les anciens sages, puis que par icelle on peut paruenir à la vraye co-

A 2 gnoiss

gnoissance de Dieu : ainsi que le testifie
sainct Paul en la premiere epistre aux Ro-
mains: *Inuisibilia Dei per ea quæ facta sunt in-*
tellec̃ta conspiciuntur , sempiterna quoque sa-
pientia eius, diuinitas & virtus. Et à ceste fin
l'homme a esté créé de Dieu la face non
abaissée en terre, mais esleuee vers le ciel,
à ce qu'il contemplast les choses celestes
& eternelles, & non les terrestres & fragi-
les, avec vn reposé & meur iugement : ce
que me semble auoir voulu dire & entē-
dre le Philosophe, quand il dit à l'Empe-
reur Auguste, qu'en premier lieu il eust à
lire l'alphabet Grec, deuant qu'il se mist
à faire aucune autre chose, voulant quasi
par là donner enseignement de dresser
ses affaires non en haste, ains les confide-
rer avec temps & loisir, premier que de
faire vne finale resolution. Mais au vray
Chrestien quelle chose luy est plus sain-
ète, & de plus grand entretenement pour
resiouir son esprit, que de lire toutes les
nuicts vne fois le liure du Ciel, & en
iceluy cōsiderer & obseruer le cours des
estailles erratiques & fixes, leur splen-
deur, mouuement, ordre, grandeur, & af-
fete?

ficte? Et apres l'auoir bien remarqué en
foy. mesme, retourner incontinent à dire:
Mais qui a esté celuy lequel a fabriqué
ceste grande masse? A elle esté ainsi mise
& ordonnee par hazard, ou par fortune
(comme les Gentils ont pensé) ou non? &
si elle nel'a esté par cas fortuit, il est donc
nécessaire qu'il y ait vn qui aye donné
estre, & disposé ainsi l'vniuers: ce que de
nous autres Chrestiens ne se peut autre-
ment iuger, ny qu'il y ait eu aucun autre
que Dieu, lequel par le moyē de ces cho-
ses qu'il a créées, vient le plus souuent à
nous manifester sa volonté, comme le
describ bien le Prophete Daud, *Cæli enar-
rant gloriam Dei, & opera eius annunciat fir-
mamentum.* Et le Prince des Prophetes,
Moyses, au premier de Genese dit: *Posuit
Deus luminaria in firmamento cæli, ut lucerent
per diem & noctem, & ultra temporū diuisio-
nē essent nobis insignia, videlicet futura pesti-
lentiæ, belli, penuriæ, pacis & abūdantiæ, ac cæ-
terorū naturalium euentuum.* Donc les estoilles
sont mises à ceste fin au ciel, pour nous
declarer la volonté de Dieu. Dequoy la
consideration appartient au vray Astrolo-

gue, comme à celuy qui est participatif
des conseils qui se font au ciel, conformément
selon le dire du Poëte:

*Illic Astra, Polos, Cælum, septemq; planetas
Consultit Astrologus, terrisq; reportat eorum
Consilium, armans illas, firmansq; caduca
Contra cælestes iras, superumq; furorem.*

Maintenant pour venir à nostre in-
tention, estant le soir du iour de saint
Martin en ceste ville de Paris, enuiron six
heures apres midy, apparust vne Comet-
te en la partie de l'Occident, au signe de
Capricornus, estant Saturne au mesme si-
gne, & la Comette plus auant, pres l'e-
stoille dicte l'Aigle volant (declinant en
la partie du Septentrion) de la nature de
Mars & Iupiter en la huitiesme maison
du Ciel.

Mais la Comette est petite, luyfante,
avec la queuë cheueluë, bien grande, ad-
dressée vers le midy & l'Espaigne, & selõ
l'opinion de Ptolomee, la Comette est de
la nature de Mercure, *Versicolor, lucida &
benè caudata, crinita parua, quoad substantiam.*
Nous n'auons point voulu laisser passer
vne occasion semblable, sans en donner
quelque

quelque iugement conforme à la doctrine Astronomique de ses merueilleux effets à aduenir : Et encores que Aristote en ses Metheores, declare la maniere cōme ils viennent à s'engendrer en la plus haute region de l'air, par puillance naturelle, toutesfois nous demonstrerons ce que le diuin Damascene dit : à sçauoir, *Cometa (dit-il) fit à Deo, ad significandam mortem Regum, Principum & Magnatum, ventos denunciat, maximos tumultus in terris, & maximas tempestates in aquis* : Et comme le Poëte dit :

Impunè nunquam visus fulgere Cometes.

Pourquoy nous disons que ceste Comette estant apparue sous le signe de Capricorne, pres l'estoille de l'Aigle volant, tousiours en montant, auquel signe se retrouuent les mauuaises estoilles de Saturne & Mars, qui regardent de quadrat aspect le lieu de la Comette, aux termes de Venus : Et pourautant nous iugeons deuoir ensuiure grãdes diuisions & heresies en la loy Catholique, & aussi
en la

en la loy de Mahomet, seditiōs & pestes,
non sans tempeltes de vents parmy l'air,
& abondance d'eaux és parties Occiden-
tales: & les Roys & Princes tant d'Oriēt
que de Midy aurōt plusieurs infortunes.

*Hic agitāt versatq̄, suos fortuna Tyrannos,
Virescit scelus, ac genus omne mali.*

En fin la Comette signifie guerre en la
partie Occidentale, & cela durera long
temps. Desia auons nous dit qu'il y aura
des heresies, ce que de nouueau nous cō-
firmons, & sera à cause d'vn grand Prin-
ce, ieune, Septentrional, dominant en
Occident, lequel en sa natiuité a Mars, au
signe de Capricorne, au mesme lieu de
l'apparition de la Comette au commen-
cement: *Et ideo illum in bello & heresi & se-
ditione illustrabit.* Et ce ne se verra point
s'it oit, mais selon l'opinion de Ptolomee
au deuxieme liure du quadripartit, au cin-
quante quatriesme texte, ils serōt tardifs:
par ce que la Comette est apparue vers
l'Occident. Et par ce que la queuë en est
tournee vers le Midy, marchāt tousiours
selon

selon l'ordre des planettes , d'Occident
en Orient: Nous d'auantage iugeons que
ses effets, apparoiſtront en Orient & Ita-
lie , premier qu'en Espagne & autres
lieux Occidentaux, & en Orient, les Re-
gions & pays de Macedoine, Trace, In-
die, & autres lieux & Citez aux signes de
Capricorne ſubmis: En Italie, pour caule
que Mars au téps que la Comette appa-
roist est au ſigne de Libra & termes de
Venus, pource diſons qu'à Rome, Anco-
ne, & autres lieux d'Italie, vers Veniſe &
Genneſ, s'enſuiura mortalité, diuiſions &
occupations des ſeigneuries , pluſtoſt
qu'en autre endroit : lesquelles choſes
viendront par apres à ſ'eſtendre en la par-
tie de l'Occident. Mais pour venir d'o-
reſnauant à la particularité de ſes ſignifi-
cations manifeſtes, lesquelles ſelon que
dict Ptolomee en la premiere propoſitiõ
du quadripartit , comme Cardanus de-
clare, *Sunt inter poſſibile & neceſſarium*. El-
les ſe voyent fort dangereuſes à l'endroit
de ceux qui en leur natiuité ont Saturne
au ſigne de Capricorne depuis le vingt &
vniefme iuſques au vingtſeptiefme de-
B gré

grez, & aussi Mars au signe de Libra, aux
mesmes degrez, ou bien qui ont Mars à
l'opposite de Saturne, & tels Princes &
Dames seront sans faute en tres-grands
trauaux, & perturbation d'esprit. *Aut*
(ni fallor) extremum claudent diem. Et à cau-
se que les effets de l'Eclipse lunaire du
mois de Septembre passé de ceste annee
mil cinq cens septante sept, se conioin-
dront en l'an mil cinq cens septãte huit, &
avec ceux de la Comette, tous ceux qui
auront la Lune ou le Soleil, ou bien l'As-
cendant en Aries, depuis le quatorzief-
me, iusques au dixseptiesme degré, seront
en grand danger de leur vie. Le Ciel veri-
tablement menace le Prince d'Espaigne,
ses royaumes & subiects, menace aussi vn
autre grand prince d'Espaigne, enuiron
l'an mil cinq cens septante neuf, de ma-
ladie, en danger de sa vie. Vne grand da-
me sous le Signe d'Aries nourrie, & vn
Prince Septentrional. Nous prierons
Dieu pour leur santé & prosperité, les ex-
hortans de prédre garde à leur vie, royau-
mes & seigneuries, & aussi prierons tous
les prelatz de l'Eglise Catholique & Ro-
maine

maine, de prier la Maiesté de Dieu pour la cōseruation de sa sainte Loy & Chef, & de deliurer ses subiects de la persecution des Tirans. Je ne passeray plus outre de la signification de la Comette, ne raconteray tout ce que Pontanus, Iean Montregius, Haly, Cardanus, & autres auteurs ont recité des effects des Comettes qui sont apparues de leur temps. Pensant auoir iulques icy dit vne grand partie de ses effects, ie prie le souuerain Dieu (Monsieur) vous donner santé, longue & heureuse vie: Et la nouvelle loy que de cy à deux ans se doit publier en renouation du siecle, soit en faueur de sainte Eglise, & pauvre peuple. Ainsi soit-il. A Paris le douzieme iour de Nouembre, mil cinq cens septante & dixsept.

*Vostre tres humble seruiteur
Francois Liberati, de Rome.*

